

مشاهد الدار الآخرة في القرآن .. الحلقة (10) .. #دعوة_حب .. د .

حازم شومان

حازم شومان

قل هذه سبيلي ادعو الى الله على بصيرة انا ومن اتبعني وسبحان الله وما انا من المشركين السلام عليكم ورحمة الله وبركاته. الحمد

لله وكفى وصلاة وسلاما على عباده الذين اصطفى. اللهم لك الحمد كله ولك الملك كله - 00:00:00

وبيدك الخير كله واليك يرجع الامر كله. لبيك يا ربنا وسعديك والخير كله في يديك. والشر ليس اليك انا بك تباركت وتعاليت.

استغفرك واتوب اليك. اللهم صل على محمد وعلى آل محمد. كما صليت على ابراهيم وعلى آل ابراهيم - 00:00:41

انك حميد مجيد. ثم اما بعد يا ايها الناس ضرب مثل فاستمعوا له. اب من الالباء جه لابنه وابنه كان لسة ما دخلش حتى لسة التعليم

الابتدائي وهو طفل صغير خالص. اداله حصالة كبيرة. قال له يا ابني الحصالة دي اي فلوس تيجي لك مهما كانت قليلة حطها فيها.

هتلاقي يا ابني صحابك بياخدوها وبيصرفوها في - 00:01:01

اي حاجة ما لكش دعوة. اوعى تعمل زبهم حطها في الحصالة. مهما سخروا منك حطها في الحصالة. الولد سمع نصيحة ابوه دخل

ابتدائي. مصروفه كان لسه بقى يحطه في الحصالة. اصحابه بقى يجيبوا به حاجة ساقعة وحاجة حلوة وهو ما لوش دعوة. يحط كل

حاجة تيجي له في الحصالة. واصحابه يبصوا يقولوا ده عاقل ده ولا مجنون - 00:01:21

ده مجنون ولا ايه كبر ودخل اعدادي. المصروف بتاعه بقى يقدر يجيب به يلعب به بلاي ستيشن ويقدر يلعب به فيديو جيمز ولكن

لسه بيحطه في الحصالة. ولسه وببصوا وبيقولوا ده عاقل ده ولا مجنون! مجنون ولا ايه! وهو برضه مش راضي يبص لهم ولا يبص

لكلامهم - 00:01:41

كبر ودخل جامعة وبقى يقدر ان هو يجيب كروت محمول ويقدر يكلم اللي هو عايزه طول الليل. يقدر يوصل نت ويدخل على الموقع

اللي هو عايزها طول الليل. ومع لسة بيحطه في الحصالة. ولسه صحابه بيقولوا عليه دا عاقل دا ولا مجنون. كبر واتخرج. بقى

بيكسب الوفات. بقى يقدر يجيب عربية احده موديل. ويجنطها ويركب - 00:01:57

صوت ويركب اللي هو عايزه فيه. ويشغل الاغاني اللي هو عايزها فيها. ومع ذلك لسة بيحط الفلوس في الحصالة. ولسه كل اللي

بيبص له بيبص له مستغرب ده بتعمل كده ليه؟ يا اخواني الراجل ده لو حد قرب من الحصالة بتاعته ده هيعمل فيه ايه؟ ده يموته.

اهي الحصالة دي - 00:02:17

هي الجنة عند الصحابة. الحصالة دي الجنة اللي كان الصحابة بيحوشوا لها كل حاجة. بيحولوا لها كل حاجة. لو كان حد قرب. قرب

من دين كانوا عملوا فيه ايه؟ السؤال الثاني يا جماعة. السؤال الثاني الراجل ده يوم ما يفتح الحصالة. ساعتها كل الناس هيعرفوا

مين العاقل ومين المجنون. اللي فضل يعمل - 00:02:37

الجنة وفضل يحوش وفضل يبجي على نفسه يوم القيامة. ساعة ما تفتح الصحيفة. ساعة ما يفتح الحصالة ساعة ما يفتح خزنة

الحسنات بتاعته بازن الله اللي ربنا تقبلها. كل الناس هتعرف مين العاقل ومين المجنون. كل الشباب اللي كانوا في الجامعة هيعرفوا

الشباب اللي كان بيقف مع - 00:02:57

ديت ويسمع الاغنية دي والاغنية ديت ولا الشباب اللي كان بيصلي في الجامع وكان عارف ربنا مين العاقل ومين المجنون كل البنات

هتعرف البنات اللي كانت متبرجة. وده مبسوط وده معجب وده بيتكلم. ولا البنات اللي ما رضتش ان اي حد يشوف منها اي شيء. تعففا

بينها - 00:03:17

من الله. مبن العاقلة ومبن المجنونة؟ يا اخواني الحصاد الحصاد اللي احنا عايزين نحوش فيها كل حاجة عشان نيجي يوم القيامة نلاقينا من اثرياء الدهر وعد الوعد لله سبحانه وتعالى. الوعد الحق وقفة الليلة ان شاء الله مع الدار الآخرة. وقفة الليلة مع مشهد من مشاهد الدار الآخرة في القرآن. اللي تخلع - 00:03:34

على القلوب خلع سلم قلبك لكتاب الله وانت بتقرئيه. وانت بتقراه. سلمى قلبك لكتاب الله وانت بتقرئه. يا جماعة سلموا قلبكم لكتاب ربنا. هتعيشوا مشاعر وانتم بتقروا القرآن وتسمعوه. اخطر مشاعر في الوجود كله. قال تعالى يوم ترى المؤمنين والمؤمنات. يسعى نورهم - 00:03:54

بين ايديهم وبايمانهم. يوم ترى يوم ما هنشوف يا جماعة. يا جماعة بكرة كلنا هنشوف. بكرة هنشوف اللي احنا كنا بنسمع عنه في الايات النهاردة بكرة كلنا هنشوف وهنسمع وهنشوف كل حاجة قدام عنينا - 00:04:14

يوم ترى كل واحد مستني يوم. الشاب مستني يوم التخرج. والبنت مستنية يوم الجواز. والطفل مستني يوم العيد. وده مستني يوم ما هيبجي الاجازة عشان يروح المصيف. ودي مستنية يوم ما يتقدم لبتها عريس. انت مستني يوم ايه؟ كل واحد مستني يوم بيحلم به ومشتاق له. ايه اليوم اللي انت بتحلم به - 00:04:30

ايه اليوم اللي انت مشتاق له؟ يا جماعة اليوم ده جاي جاي يوم ترى. اليوم اللي الكل هيشوف فيه كل حاجة والحقايق هتبان. يوم ما ترى اليوم ده جاي جاي - 00:04:50

نفسك به. صبري نفسك به. صبري نفسك به على النقاب. صبر به نفسك على قيام الليل. صبري نفسك به على الصيام. صبر نفسك به على الصنائع المعروف وكفالة اليتامى صبري نفسك به على سخرية الناس من الملتزمات والملتزمين - 00:05:00

اليوم ده جاي جاي هنعيش وهنعيشه. يوم ترى ممكن النهاردة ما فيش حد من الناس شايف. شايف يوم ترى المؤمنين والمؤمنات. شايف ان الغلبة دول اللي البعض بيحاربهم والبعض بيسخر منهم والجرايد بتعمل عليهم. كانت كتيرات والبرامج العلمانية بتسفه منهم. ممكن يكون ما حدش شايف مقامهم - 00:05:15

قد ايه يوم القيامة الكل هيشوف مقامهم المهول عند الله. ممكن النهاردة ما فيش حد عارف. العمل الصالح قيمته ايه؟ ايه يعني ده دخل الجامع ايه يعني ده قام ايه يعني داعش لربنا! ايه يعني دا اتكلم عن ربنا ودعا الى الله وضحي عشان دين ربنا بكل حاجة. ولكن يوم ترى المؤمنين والمؤمنات هتعرف - 00:05:35

قيمة العمل الصالح اوعى تعرف قيمة المعصية عند ربنا. وخطورة المعصية عند ربنا سبحانه وتعالى. يوم ترى هذا يومكم. اليوم اللي هيتقال لكم شوفي يا مؤمنين ويا مؤمنات باذن الله هذا يومكم. فيه ناس خدت ايامها في الدنيا. المتبرجات خدوا ايامهم في الدنيا. العصاة خدوا ايامهم في الدنيا - 00:05:55

اللي اتبعوا الشهوات خدوا ايامهم في الدنيا. ولكن النهاردة يومكم انتم. النهاردة اليوم بتاعكم انتم. يومك ده يومك يا اللي لبست النقاب وحاربوكي وانت داخله الجامعة. ومع ذلك سبتي عليه. ده يومك يا اللي صممت تعملي فرح اسلامي. وما فيش اي مخلوق يشوف منك اي شيء. والتريقة - 00:06:17

عليك عيلتك كلها وصممتي عليه. ده يومك يا اللي وفرت من اساسيات البيت عشان تتصدقي. على الفقراء واليتامى ده يومك يا اللي كنت بتصوم في عز الصيف زي الايام دي وتيجي على الساعة خمسة العصر حلقك هيتقطع من العطش. ونفسك في بق مية وصبرت ده يومك النهاردة ده يومك يا اللي قمت - 00:06:37

ده يومكم يا اللي قبضتم على الجمر يا اللي استحملتم زمن الفتن. ده يومكم يا اللي دافعتم عن الاسلام وعن رسول الله صلى الله عليه وسلم هذا يومكم يوم ترى. ترى ده ممكن يكون النبي عليه الصلاة والسلام. ربنا بيفرح قلب النبي هتشوف ثمرة جهادك يا رسول الله. هتشوف ثمرة تعبك. ده ربنا بيفرح قلب كل ده - 00:06:57

بيقول له ادعو واتكلم ما تعرفش مين بيسمك. ما تعرفش مين هيتأسر بك. ما تعرفش مين هيتغير. مش هتشوف سمرة تعبك غير

يوم القيامة الكلمة اللي طلعت من بقلك ما تعرفش ربنا هيعملها لمين. وهيتأسر بها مين؟ وهيتغير بها مين؟ ممكن بعد ما تموتك بمية سنة كلمتك ربنا يأسر بها - [00:07:18](#)

يرميها. هتشوف سمرة دعوتك يوم القيامة يوم ترى يا فرحة قلب الدعاء الى الله. اللي سبته على طريق الدعوة ربنا يثبتنا على الحق يا رب شايفين ثمرتهم يوم القيامة يوم ترى المؤمنين - [00:07:38](#)

والمؤمنات عمرك ما هتقدري تصبري الا لو شفتي الا لو شفت بعينيك عمرك ما هتقدر تصبر على متع الدنيا الا لو شفت متع الجنة بقلبك يوم ترى المؤمنين والمؤمنات بس هنشوفهم في شكل ثاني يا جماعة. مش هنشوفهم وهم مضطهدين وهم متحاربين. وهم مجهدين وهم تعبانين وهم خايفين من - [00:07:52](#)

الآخرة هنشوفهم ملوك هنشوفهم زي الشموس على منابر من نور. مش هنشوفهم بلبس السجن بتاع الدنيا اللي هي سجن المؤمن. هنشوفهم بلبس الجنة النور يوم القيامة هنشوفهم والدنيا كلها هتنبهر بهم. تخيل موكب المؤمنين والمؤمنات. تخيل خلاص ما عايش الاختلاط حرام لان بقينا اخوات خلاص - [00:08:11](#)

لان الفتن راحت وامراض القلوب راحت خلاص. المرأة اللي كانت متعفة في الدنيا في قمة جمالها وبهائها. ورجال الجنة في قمة جمالهم وبهاؤهم داخلين الصحابة مع امهات المؤمنين مع المتزيمين مع الملتزمات اللي ربنا سبتهم وتقبل منهم. كلهم داخلين الموكب البهيبي ده تدفعي كم وتبقي فيه؟ تدفع كم وتنضم - [00:08:31](#)

الموكب ده يوم ترى يوم ما هتشوف يا جماعة مين اللي متشاف النهاردة اللي متشاف النهارده الاغنيا اللي متشاف النهارده اصحاب الاموال اللي متشاف النهاردة رجال الاعمال اللي متشاف النهاردة الوزراء اللي متشاف النهارده اصحاب الكراسي. اللي بيتشاف النهاردة بتوع الشوه الاعلامي والمغنيين والمغنيات. انما - [00:08:54](#)

بكرا مين اللي هيتشاف؟ مين اللي هيترفع قدام الدنيا كلها؟ مين اللي هيترفع والعالم كله والكون كله يتفرج عليه مبهور ونفسه يبقى مكانه ترى اللي فرط في الدنيا هيندم لما يشوف اللي ربنا يعملهم لهم - [00:09:14](#)

اللي قام مش اللي ما قامش الليل مش هيندم. غير لما يشوف سواب اللي قام. اللي ما صامش اتنين وخميس مش هيندم غير لما يشوف سواب اللي صام. النهاردة كان خمستاشر - [00:09:29](#)

الشهر العربي اللي ما صامش منا مش هيندم غير لما يشوف اللي صام. غير لما يشوف اللي تعب خد ايه. يوم ترى مهما اتكلما عن المعنى مهما استرسلنا عن اليوم ده. اليوم ده ربنا بيقول لك احلمي به. اشتاقي له. لو الدنيا كلها اشتاقت ليوم في الدنيا انت ليوم القيامة. لليوم اللي هتشوف فيه - [00:09:39](#)

ربنا يوم ترى المؤمنين والمؤمنات المؤمنين والمؤمنات يسعى نورهم بين ايديهم وبايمانهم تخيلي المشهد دهوت يسعى نورهم. يا جماعة لما ربنا يقول يسعى. يسعى لها يعني قدامهم. بينور لهم الاف الكيلومترات قدامهم اكثر كمان. وكمان مش قدامهم وحواليه - [00:10:00](#)

بيخطف عينين اي حد ببص لهم. يسعى معهم في كل مكان يروحوه. في العرض على الله معهم. على الصراط معهم في الطريق للجنة معهم يسعد كلمة بتخليكي تعرفي صفات النور ده. صفات النور ده ايه؟ اول حاجة ان نور مستمر لان ربنا قال يسعى فعل مضارع مستمر. زي ما طاعتك من - [00:10:20](#)

في الدنيا النور مش هيتقطع يوم القيامة ما فيش انقطاع للنور ده. ده مش زي نور الدنيا اللي كان ببيجي ويتقطع. يسعى نور ملازم لهم قعدوا يتعبوا في تحصيله في الدنيا والنهارده خلاص مش هيسيبهم. معهم في كل مكان في ظلمات المحشر. معهم خلاص زي بالزبط البطل. اللي - [00:10:40](#)

مسرح لما يسلطوا عليه الاضواء كل ما يروح مكان الاضواء معه. يسعى يسعى ده يعني معناها ان نور له وجهة. لما اقول لك انا يسعى في موضوع يعني انا لي وجهة معينة - [00:11:00](#)

هنا وهدف. النور وجهته الطريق للجنة بينور لهم الطريق للجنة. يسعى يعني سريع لان السعي ده حاجة سريعة جدا. معناها ان هم

خلاص ما عدش ما عدش فيه تشويق للجنة هم بيحجروا عليها. وهي بتجري عليهم. الجنة مش ديليفري. يسعى زي ما سعوا للجنة في الدنيا. هي بتسعى لكم النهاردة - [00:11:10](#)

الجنة ما فيش جنة ديليفري يا جماعة. الجنة لازم تتعاملها ولازم تتعب لها. عشان يوم القيامة هي اللي تيجي لغاية عندك من شوقها اليك يسعى معناها ان النور ده نور نور متلألئ لان النور لما يتحرك يتلألأ يا جماعة تخيلوا النور المتلألئ اللي له وجهة العظیم - [00:11:30](#)

الملازم المستمر ده لو دمك على الصراط هتعمل ايه لو دفعك على الصراط هتعملي ايه ؟ لو دوبنا ولك طريقك يوم القيامة هتعمل ايه ؟ يسعى نورهم نور. كل واحد منهم له نور غير الثاني - [00:11:48](#)

ده فيه منهم اللي نوره قد الجزيرة العربية كلها. فيه منهم اللي نوره اقل. فيه منهم اللي نوره اقل. امال ربنا قال النور بالمفرد ليه ؟ لان النور كله هيتجمع مع بعضه هيبقوا كأنهم جزيرة من النور في وسط بحر الظلمات. ارض المحشر هيبقوا كأنهم جزيرة نور متحركة. نورهم طب ربنا - [00:12:03](#)

يسعى النور ليه ؟ ده نورك انت. ده النور اللي كان جوة قلبك. نور الايمان النهاردة خرج وشع منك. ده النور بتاعك انت اللي هيفضل ملازمك. ما حدش هينتفع به بين المنافقين والمنتكسين. يوم القيامة غيركم انتم باذن الله - [00:12:23](#)
فزتم بهذا النور يسعى نورهم بين ايديهم. يا جماعة بين ايدينا يعني يعني ايه يا اخوانا؟ يا اخوانا الملك لما كان يمشي زمان كان يبقى قدامه خيول وجنود. موكب ده - [00:12:39](#)

كمان من الانوار قدامهم. دول بقوا ملوك يا جماعة. النور ده مصدره ايه ؟ النور ده مصدره قلوبهم. نور قلوبهم خرج. النور ده مصدره ووجوههم. وجوه يومية مسفرة زي الشمس. النور ده مصدره الملايكة اللي معهم. النور ده مصدره كتاب الاعمال الحسنة اللي شايلينه في ايديهم وهم رايعين الجنة - [00:12:53](#)

النور ده مصدره اعمالهم الصالحة. النور يا جماعة النور دهوت بين ايديهم موكب مهول. من الانوار بينور لهم بين ايديهم الموكب ده الملك ده تدفع فيه كم تدفع فيه كم ؟ الامام الطبري قال لك النور ده قال النور ده كتب الكتاب الاعمال الصالحة بتاعهم. الاعمال الصالحة بقت خلاص خدم لهم يوميا - [00:13:11](#)

كأن الاعمال تجسدت وبقت كأنها خدم. الاعمال اللي تعبت فيها في الدنيا واللي انت تعبت فيها. بقت النهاردة بتخدمك في ارض المحشر بقت بتنور لك بتونس وحدتك بقت بتعرف الملايكة بك ما حدش يوقفك. بقت بتنور لنا ظلمات المحشر. بقت بتمهد لنا الطرق بقت بتدل لنا العقائد - [00:13:35](#)

باقول الخدم بتوع يوم القيامة. بعد ما خدمنا دين ربنا بهزه الاعمال. في الدنيا بين ايديهم وبايمانهم. يا جماعة بايمانهم يعني ايه ؟ لما امسك حاجة بيمينني كدهوت ماسكها بيمينني. حد منكم لما سافر قبل كده اي دولة اجنبية - [00:13:55](#)

وشاف لما بنقف طابور قبل ما نطلع على الطائرة كل واحد بيبقى ماسك جواز السفر بتاعه ازاي ؟ ليه ؟ ده ده اللي هيعديني باذن الله وهيدخلني الطائرة ويدخلني الدولة واعمل عمرة واحج واطوف فيبقى ماسك الجواز قد ايه ؟ اهم ماسكينها الباء دي باقي المصاحبة بايمانهم ماسكينها بكل قوة - [00:14:13](#)

لما كان عبد من العبيد يتحرر كانوا يمسكوه في ايديه اليمين شمعة. زي مصباح منور كده. علامة انه اعتق هم في ايديهم النور ده على ما انهم اعتقوا من النار. علامة ان خلاص العتق من النار ربنا من به عليهم. يا لا فرحتهم يا لا روعة ايام - [00:14:33](#)

يا لا روعة المشهد المهيّب اللي هم عايشينه يا جماعة. يسعى نورهم بين ايديهم وبايمانهم. قلبك عايش معي في الكلام ده. قلبك عايش. مع كلام ربنا مع المشهد المهيّب ده انا مش قادر اتصور يا جماعة. مش قادر اتصور والملايكة بتقول لهم بشراكم اليوم.

المنافقين قاعدين يبصوا عليهم هيموتوا على نذرة منهم - [00:14:51](#)

والناس كلها نفسها تبقى مكانهم. وربنا بينادي عليهم بيقول لهم ذلك هو الفوز العظيم. والملايكة من قبل ما يعدوا من على الصراط بيقولوا لهم بشراكم ابشروا ما تخافوش. وهم على منابر نور. والنور اللي حوالهم بيخطف عيون ارض المحشر التكريم ده كله ليه ؟

اصبر على اللي صبروا عليه - 00:15:11

عشان تاخدوا اصبري على اللي هم صبروا عليه عشان تاخديه. التكريم ده كله ليه؟ يا جماعة نصبر. اية واحدة بس تخطف القلوب
خطف اية واحدة بس ربنا عيشنا فيها في الدار الآخرة. كاننا جواها معهم - 00:15:31

يسعى نورهم بين ايديهم وبايمانهم. طب النور لما ينور بين ايديا قدامي ماشي. طب ينور على يميني وشمالي ليه؟ عشان اخواتي
اللي على يميني وشمالي. نور ينور نورهم ونورهم ينور لي. زي ما كنا نور لبعض في الدنيا نبقى نور لبعض في الآخرة. الصلحة

الصالحة اللي هييجي المنافقين النهاردة وهيندموا على تضييعها - 00:15:47

في الدنيا زي ما هنشوف الكلام اللي بيقتطع مرارة الدنيا كلها. من افواههم الوقتي. بشراكم اليوم. بشراكم الملايكة بتقول لهم بشراكم
ابشروا تخيل لو انت طالب من الطلبة قبلت امتحان كبير وخطير. وهيتوقف عليه شهادة مهمة. وانت قاعد تذاكر ومرعوب وقلقان.

وماسك القلم والورقة وقاعد تذاكر بسرعة. وانت ساكن في شقة طلبة فيها ثلاث - 00:16:07

طلبة فلقيتهم لابسين لبس رياضي وخارجين. انتم رايحين فين؟ رايحين نلعب ماتش كورة. تعال معنا. اجي معكم انتم اتجننتم! ده
بكرة امتحان امتحان. يا عم كبر بعد كده انت قلت دول مجانيين. فقعدت تذاكر لقيت اصحابك فاييتين عليك في نفس الدفعة. لابسين

لبس خروج وخارجين. رايحين فين؟ رايحين نتفسح تعال معنا. اجي معكم فين - 00:16:31

بكرة امتحان امتحان يا عم كبر كبر هي الدفعة كلها اتجننت رجعت تذاكر وانت بتذاكر تاني لقيت واحد صاحبك متصل بك انا عاش

تعال اتعشى معي. اتعشى معك ايه ده بكرة عندنا امتحان. يا عم كبر. انت في الآخر هتعمل ايه؟ هتكبر - 00:16:51

انت في الآخر هتعملي ايه! هتكبري! هو ده اللي حصل لنا! لما قعدوا يكلمونا من واحنا اطفال عن امتحان الآخرة! امتحان اول ليلة في

القبر اللي نزلت فيه اخر اية - 00:17:08

نسبة في القرآن امتحان لما هنقف بين ايدين ربنا عن يمينا النار وعن شمالنا النار وبين ايدينا النار. لما هنيجي نعدي من على الصراط
وتحتة جهنم ازاى؟ لما كبرنا رحنا كلياتنا لقينا صاحبنا طالعين رحلات وماشيين مع بعض. انتم بتعملوا ايه؟ ده فيه امتحان. ده مكبر

وده مكبر. دخلنا بيوتنا - 00:17:18

لقينا التليفزيون والبرامج والاغاني انتم بتعملوا ايه ده في امتحان! لقينا الكل مكبر يا جماعة! في الآخر احنا كمان كبرنا يا جماعة
بشراكم اليوم. دي الكلمة اللي احنا بنصبر في الدنيا على اللي اهل الدنيا جروا عليها عشان نسمعها. دي الكلمة اللي احنا مستنيين

نسمعها من الملايكة - 00:17:38

دي الكلمة اللي احنا مستنيين قلوبنا تترتب بها. بشراكم بشراكم. البشرى الحاجة اللي بتضحك البشرة. بتفرحك بتبهجك تسعدك

بشراكم اليوم. انتم امبارح تعبتم انتم امبارح تعبتموا وامبارح استحملتموا وامبارح اتأزيتم. ولكن انتم النهاردة بشراكم فيه ناس باعت

باعت النهاردة عشان امبارح - 00:17:56

النهاردة ندمانين. انما انتم استحملتم امبارح بشراكم اليوم. انتم تعبتم. زي ابو بكر ما كان النبي يقول من اصبح منكم اليوم صائما؟

انا. طب عاد مسكين انا طيب اطعم مسكين انا. طب عاد مريض انا. طب تابع جنازة انا تعبان. تعبان بس صابر - 00:18:21

صابر عشان اليوم ده. لما ربنا سبحانه وتعالى يقول على اهل الجنة الحمد لله الذي اذهب عنا الحزن. الحزن في اللغة اللي هو الجبل

ازهد عنا الحزن يعني هم الآخرة والخوف من الآخرة اللي كان في قلوبهم زي الجبال على قلوبهم واستحملوا عشان ربنا. والنهاردة

بشراكم اليوم جنات - 00:18:38

جنات مش جنة كل جنة فيها نعيم غير الثاني. جنات جنة. جنات نكرة للتعظيم الرهيب ده الجنة يا جماعة يعني الحاجة المستترة.

النعيم اللي ما فيش عين جرحته قبل ما عينك انت هتبص عليه. نعيمك في الجنة متعام ما حدش شافه. نعيمك - 00:18:58

في الجنة ببعد لك ما حدش شافه. لو نشوف الوقت الجنة وهي بتعدي لنا واحنا بنعمل الاعمال الصالحة. هتذوب قلوبنا يا جماعة. لو

نشوف الوقت يا جماعة ابواب الجنة لما بتفتح لما نشوف الوقت يا جماعة قصور الجنة وهي بتبنى. قلوبنا هتتفطر من الشوق لنعيم

الجنة. بشراكم اليوم جنات - 00:19:16

مش جنة واحدة جنات يا اخوانا المتر الارض جنب قصر رؤساء الجمهورية جنب جنب قصور الملوك والامراء غالي جدا ليه؟ لان الجوار. طب الجنة دي جوار الله. جوار الرحمن تبقى الجنة دي بكام؟ يبقى الجنة دي - [00:19:36](#)

تمنها ايه يا جماعة؟ يا اخوانا يا اخوانا كل واحد بيمتع احبابه على قدره. يعني يعني واحد فقير عايز يمتع احبابه يبقى حاجة ساقعة وسندوتشين فول طب واحد غني عايز يمتع احبابه يبقى اكلة دليفري وكانزات. طب الملك يريد انه يمتع احبابه هيديهم ايه؟ يبقى الجنة دي فيها ايه يا جماعة - [00:19:56](#)

بشراكم اليوم جنات اللي انتم شامين من عطورها الوقتي ده ولا حاجة في اللي جواها لسة. جنات تجري من تحتها الانهار. خالدين فيها يعني ايه؟ يعني نعيم مهول يا جماعة في بيوتنا لما بنعمل بيوت تروح مسلا تأجر شقة او تعمل شقة تجيب سيراميك بيعيش عشر سنين او عشرين سنة واجهزة بتعيش خمستاشر سنة وعفش بيعيش - [00:20:16](#)

عشرين سنة طب ليه؟ ما جبتش السيراميك يعيش متين سنة لان ما فيش اصلا ليه؟ لان مين اللي هيعيش عليه ما هو هيموت وهيموتوا. ولكن الجنة ده نعيم مستمر - [00:20:39](#)

لانهم جزاء من جنس العمل لانهم تعبوا تعب بلا انقطاع. في الدنيا ما قطعوش ما انتكسوش. فربنا يديهم نعيم بلا انقطاع سبحانه تعالى خالدين فيها ذلك هو الفوز العظيم مش ذلك الفوز لأ هو الفوز يعني ايه يعني لما ربنا يقول اولئك هم المفلحون ايه فرقها عن اولئك المفلحون - [00:20:49](#)

هم دول يعني في ناس افتركوا الفلاح في حاجة تانية. فربنا بيقول لأ هم دول. ما حدش هيفلح غير طول. ذلك هو الفوز في ناس تعبت عشان تفوز اللي فاز بالكاس واللي فاز بالبيوت واللي كل ده ما لوش قيمة خالص يومئذ. ولكن الفوز الحقيقي هم دول هم دول اللي فازوا - [00:21:12](#)

ذلك هو الفوز العظيم. متخيلين المنزر والاكرايم؟ نصبر على اللي صبروا عليه يا جماعة. نصبر على اللي صبروا عليه عشان ننال ان اللي يلوه. نصبر على النعيم تنخلع له القلوب داهوت. نصبر على صحبة كتاب الله. اسمعي معي. اسمع معي يوم يقول المنافقون والمنافقات. للذي - [00:21:32](#)

الذين امنوا انظرونا يوما كان احنا الوقتي كنا بقينا في يوم ثاني. احنا الوقتي كنا في يوم كله نور وافراح وبهجة واکرام وافراح وانوار دلوقتى بقينا في يوم ثاني. كله ظلمات وعذاب وبهدلة. يوم يقوم. وربنا يكرر كلمة يوم كأن ده يوم ويضايقوهم. دول ناس خدوا كل حاجة ودول - [00:21:52](#)

دول ناس اتحرموا من كل حاجة. حتى من شربة الماية يوم يقول يوم طول اليوم طول الخمسين الف سنة هيفضلوا يصرخوا. انزرونا استنونا انتزرونا. انتم رايعين الجنة وسايبنا فين؟ يوم يقول ضمير مضارع هيفضلوا يصرخوا. يوم يقول المنافقون - [00:22:12](#)

المنافقات اللي اثاروا الدين على الدنيا على الدين. للذين امنوا انظرونا. انظرونا يعني انتظرونا استنونا. استنونا انتم رايعين فين انتم رايعين وسايبنا فين؟ اهل الجنة يا جماعة. اهل الجنة عاملين زي استاذ جامعة كبير اوي او عالم كبير داخل مؤتمر في مركز المؤتمرات. مين عليه بوابة؟ فلان - [00:22:32](#)

باشا اتفضل حضرتك. داخل الاسانسير. حضرتك اتفضل حضرتك. داخل بوابة القاعة. اتفضل يا باشا اتفضل حضرتك. طبعا يعني مع الفارق ولكن انا بدي بس من الدنيا ما فيش عوائق. هم منطلقين اعمالهم سابقاهم. ما حدش بيوقفهم. ولكن التانيين دول يا نهار ابيض! احنا يا جماعة دلوقتى قبل الصلاة - [00:22:52](#)

لسة ما عدناش من على الصراط احنا لسة قبل الصراط قبل الصراط فيه تحويلة. يعني زي ما تقول مسلا تحويلة. يعني ايه تحويلة؟ تحويلة يعني الكفار ما بيعدوش من على الصراط اصلا. امال ايه؟ بيترموا في جهنم - [00:23:12](#)

كأن الناس كلها ماشية تتحول اتجاهين. الكفار الى جهنم. طب والمؤمنين استكمال طريق الجنة من هنا. يقوم المنافقين ربنا يسببهم المؤمنين فالمنافقين الرعب اللي عند التحويلة دهيت هم او الرعب اللي عند سحب الوجوه الى جهنم وهم مرعوبين. بعد كده يدخلوا في مشكلة تانية مشكلة - [00:23:25](#)

ولا اقتحم العقبة؟ قال لك العقبة دي في بعض التفاسير عقبة قبل الصراط. لمين؟ للي ما اقتحمهاش في الدنيا للي ما رضاش يضحى
عشان دينه في الدنيا يبقى فيه عقبات مستنية قبل الصراط. فالمنافقين قاعدين يتعثروا. قاعدين يتعطلوا والمؤمنين منطلقين.
منطلقين. فبيسرحوا انظرونا. انتم رايعين فين - [00:23:45](#)

استنونا. مطاردة في ارض المحشر خمسين الف سنة. قاعدين المنافقين يطاردوا المؤمنين. انزرونا استنونا. وكل يبعدها عنهم
يشوفوهم بنورهم ويجروا وراهم. ويجروا مكان النور في الدنيا قدامكم اذا كان عندكم فرصة في الدنيا انكم تحصلوا النور ده -
[00:24:06](#)

المكان عندكم فرصة في الدنيا. النور ده كان اسهل حاجة في الدنيا انتم اللي ضيعتوه. المؤمنين دول كانوا صحبة صالحة موجودة
في الدنيا. انتم اللي زهقتوا فيهم. بل منهم بل لما كانوا يتصلوا بكم او يدعوكم الى الله تنفروا منهم. النهاردة صراع رهيب عشان
تفضلوا معهم وذل رهيب - [00:24:25](#)

نقتبس من نوركم نقتبس الاقتباس ده يا جماعة ان عايزين الصحيفة المظلمة بتاعتهم يحطوها في الصحيفة المنورة بتاعة المؤمنين
تنور زي الشعبة المتوهجة كده. يا سلام! الصحيفة اللي المؤمنين طلعت روحهم في انارتها بالاعمال الصالحة طول الدنيا. انتم عايزين
تحطوا - [00:24:45](#)

خدي في دي كده يقوم زي الشعلة اللي اقتبست من شعلة تانية يا سلام الاقتباس في اللغة ده اصلا كلمة فيها سهولة. المرأة المقباس
المرأة المقباس في اللغة اللي هي اول ما تتجوز تحمل على طول لا راحت دكاترة ولا قعدت كزا شهر - [00:25:05](#)
تعبت جوزها ولا على طول تقوم حملانا. القبس ده حاجة فيها قمة السهولة. هم دي مشكلتهم ده اللي ضيعهم. كانوا عايزين دين سهل
ولسه عايزين دين سهل في يوم القيامة. لسة عايزين دين كده يتلقت وخلص حاجة تتلقت. عايزين دين مكيف عايزين دين على
المزاج. مش عايزين الدين اللي فيه تعب - [00:25:20](#)

وتضحية واستحمال لا لا لا لا وسهر وقيام وصيام لأ هو ده اللي ضيعهم وجايين النهاردة لسه ثاني عايزين دين سهل نقتبس من
نوركم ناخذ حطة من النور بتاعتكم من نوركم اللي ما بيتحركش غير معكم انتم - [00:25:39](#)
ارجعوا ورائكم فالتمسوا نورا. ارجعوا ورائكم ورائكم اللي هي الدنيا. هم حسبوها ورا. الملائكة بتقول لهم ورا. كله يرجع ورا كلام
الملائكة من التكريم للمؤمنين واسلوب الاحتقار بتاع دول. ورا كله يرجع. ودول مش فاهمين ارجعوا ورائكم. متهايا لهم ورا والملائكة -
[00:25:58](#)

يوم الدنيا ارجعوا الدنيا ثاني. يا جماعة اشتغلوا قبل ما يبجي اللحزة اللي ما عدش ينفع تدرك فيها اللي ضاع يا اخوانا فرعون
هيعرف نفسه اللي عرفه موسى. بعد ما يبقى ما عدش ينفع. خلاص - [00:26:18](#)
ربنا بيقول بل ادرك علمهم. يعني هيتداركم هيتداركم وهيتعلمم وهيعرفوا كل حاجة وهيؤمنوا وهيقتنوا. بس الدرك علموهم امتى يا
رب في سورة النمل بل ادراك علمهم في الاخرة. بعد ما يبقى ما عدش ينفع خلاص - [00:26:32](#)
اسمع ربنا بيقول اسمع بهم وابصر. يعني هيبقوا في قمة السمع وقمة البصر هيوصلوا لليقين. هيعرفوا كل حاجة هيصدقوا وهيؤمنوا
بس امتى يا رب؟ اسمع بهم وابصر؟ يوم يأتوننا بعد ما يبقى ما عدش ينفع - [00:26:49](#)
بعد ما يبقى كل حاجة راحت. بعد ما يبقى كل حاجة انتهت. يا جماعة الفرصة اللي احنا فيها. مش ممتدة. الفرصة اللي احنا فيها
مممكن تنتهي في اي لحزة. تضمني منين - [00:27:05](#)

تضمن منين؟ تضمن منين ان الفرصة اللي احنا فيها تروح قبل ما يبقى ما عدش ينفع. لحد امتى ربنا هيحلم علينا؟ لحد امتى هنفضل
في البطء اللي احنا فيه في - [00:27:15](#)

ربنا. ربنا بيقول يسعى نورهم لانهم سعوا في الدنيا. لانهم اجتهدوا في الدنيا لانهم استمروا في الدنيا. لانهم لزموا الطاعة في الدنيا.
لانهم جاهدوا في الدنيا واستحملوا في ربنا اداهم النور ده - [00:27:25](#)
قيل ارجعوا ورائكم فالتمسوا نور كلمة التمسوا ديت. التماس ده يا جماعة من من كلمة اللمس. اللمس ده يعني ربنا وكأنه كأن المعنى

لان الدهنية كانت سهلة جدا. عارف يعني ايه التماس - 00:27:39

التماس ده يعني انا داخل اوضة مضلمة. فبلمس بايدي الحيطه كده بلمس الكبس اول ما المس الكبس يقوم النور جاي على طول كأن النور ده كانت سهلة النور كان سهل يبجي. النور اللي انتم ندمانين عليه النهاردة ده كان اسهل ما يكون في الدنيا. ولكن انتم اللي ما رضتوش. انتم اللي ما رضيتوش تفكروا. انتم اللي ما رضيتوش تقفوا مع نفسكم - 00:27:53

انتم اللي ما رضيتوش تحسبوا. انتم اللي ما رضتوش تقفوا موقفه مع نفسكم في مصيركم كله ارجعوا ورائكم فالتمسوا نورا. فوهم بيحاولوا يلتمسوا النور بيرجعوا بيحروا. يشوفوا النور فين! فجأة ضرب بينهم - 00:28:14

فضرب فيعني فوريه. اول ما يدوا زهرهم ويجروا فجأة السور يتضرب وكلمة الضرب ديت تحس انها كأنها ضربة في قلبهم تحس كأن قلبهم انضرب اول ما يجروا بيسمعوا الصوت يبصوا بيلاقوا سور يلاقوهم اتحبسوا يلاقوهم اتسجنوا يلاقوهم اتعزلوا ومنزر انوار المؤمنين - 00:28:31

افرحهم وبهجتهم واصواتهم بيغيب عن عنيتهم. وهم بقوا في الظلام والهوان والذل والالت عزاب اللي هم فيه. فضرب فضرب. السور ده معمول ليه؟ عشان البشوات المؤمنين علة القوم ما الرعاة دول - 00:28:52

ما يجوش يأزوهم بالازى اللي هم بيعملوه ده ويقعدوا يمسكوا في رجلهم. لا لا لا ما يأزيهمش. شوفوا الدنيا كان العلاقة ايه! وشوفوا الاخرة العلاقة ايه؟ خافضة رافعة ممكن باشا والغفير بتاع القصر بتاعه. الغفير يبقى هو المؤمن. والباشا دهوت يروح عايز يبوس جزمته. يضرب بالسور بينهم - 00:29:09

ضرب فضرب عارفين زي ايه؟ زي مجموعة تاهت في صحرا وهتموت خلاص هتموت في قلب قلب مجاهيل الصحاري. جت عربية فجأة وقامت واقفة عندهم. فلان فلان اركب. الباقيين بيقلوا واحنا لأ مش هتركبوا. يعني ايه هتتسابوا في - 00:29:31

دهوت بدأوا يقاتلوا بدأوا يجاهدوا بكل قوتهم. بدأوا يمسكوا في عجل العربية بدأوا يتوسل اترمم. واتاخذ التانيين والعربية بانوارها ابعد عنهم في الظلام والصحرا. التانيين احساسهم ايه؟ لا ده مش ده اللي حصل. ده لما بدأوا دول يقاوموا ويمسكوا في اللي ركبوا في العربية. قاموا قايلين لهم طب ارجعوا كده - 00:29:47

ارجعوا وقاموا ضاربين سجن عليهم. ومن شباك السجن في قمة القهر والذل. قعدوا يبصوا للمؤمنين اللي راكبين العربية او الطيارة دي وهم بيبعدوا بيبعدوا بيبعدوا خلاص دول في الظلام. والعزاب لوحدهم فضرب. ضرب ضربة في قلبهم. لما ضرب هذا السور -

00:30:07

فضرب بينهم بسور تخيلوا من ناحية فرحه من ناحية ميتة! تخيلوا التنافر الرهيب ما بين الموقفين. فضرب بينهم بسور له باب. الباب ده مقفول الوقتي. هيتفتح بعد شوية. هيتفتح ده لسة مش الواد اصل المنافقين دول بعد ما المؤمنين يعدوا من على الصراط

هيدخلوا يعدوا هم كمان. الله! هيدخلوا يعدوا اه. وربنا هيديهم نور. الله الله الله - 00:30:27

عشان لما يدخلوا على الصراط مخدوعين بالنور يطفي على الصراط يقعدوا في جهنم والعايز بالله. زي ما كانوا بيخدعوا ربنا في الدنيا ياخدوا جزاءهم وضرب بينهم بسور له باب. باطنه فيه الرحمة وظاهره من قبله العذاب. الرحمة بالالف واللام يعني شمول النور

والرحمات - 00:30:50

والعذاب بالالف واللام شمول الظلام والعذاب. ضرب بينهم بسور باطنه. ليه مع المؤمنين اتقال الباطن ومع المنافقين اتقال الظاهر؟ لان يا جماعة المؤمنين اصبحوا باطنهم لله. مش كان كلام جميل وخلص. انما المنافقين. كانت مظاهر كدابة. ولكن قلوبهم ميتة. متعفنة -

00:31:10

مليانة شهوات فضرب بينهم بسور له باب باطنه فيه الرحمة وظاهره من قبله العذاب ينادونهم. طريق المنافقين يوم القيامة طريق ضلمة. الاول التحويلة اللي الكفار بيروحوا جهنم يقف قلوبهم فيها من الرعب - 00:31:30

بعد كده يكملوا يبقى العقبة اللي قبل الصراط تقابلهم يتعطلوا فيها بعد كده يروحوا السور يقفوا في السجن اللي هم فيه. بعد كده يعدوا من على الصراط. بعد ما المؤمنين يعدوا خالص. يسقطوا لما النور يتسحب منهم - 00:31:47

وهم واقفين يصرخوا في المؤمنين. الم نكن معكم؟ احنا مش كنا معكم في يوم من الايام وما فيش حد بيعبرهم ولا بيرد عليهم
المشهد اللي بعد كده والمؤمنين بيردوا وبيقولوا ولكنكم فتنتم انفسكم. انتم اللي ضيعتم نفسكم - [00:36:08](#)

انتم اللي ضيعتم نفسكم بنفسكم. انتم اللي بعد ما التزمتم وقلوبكم اقبلت على الله. رجعتم تاني تتفرجوا على قنوات ولا اغاني ولا
مواقع ولا صحبة انتم اللي ضيعتم انتم اللي دمرتوا نفسكم انتم اللي دمرتوا مستقبلكم. صراع رهيب ليه؟ عشان - [00:36:24](#)

سرعة رهيبة نعدي من على الصراط ازاى من غير النور صراع مهول يا جماعة. حرب مهولة. تخيلوا كل المجهود. انا مش قادر اتخيل
منزر المنافقين. وهم قاعدين يبصوا على المؤمنين يجروا وراه في كل مكان - [00:36:45](#)

ويجوا يتعطلوا في عقبة يعدوها هي ناقصة. وبعد ما يعدوها يجروا يدوروا النور راح فين؟ يجروا على النور ويسرخم. انظرونا ديت
فيها في التفاسير. القراءة الاولانية انظرونا يعني استنونا انتظرونا لان المؤمنين سراع اوي. القراءة الثانية انظرونا - [00:36:59](#)

يعني ايه انظرونا؟ يعني امهلونا ليه بقى؟ لان المنافقين هم اللي بطاء. فدل صراع وطريقهم ما شاء الله. ودول بطان اوطانهم كل
عقبات وقاعدين يجروا ينادونهم يتوسلوا يا اخواني يا اخواني ده لو ما كانش فيه غير العذاب دهو بس بس - [00:37:19](#)

وبعد كده هيدخلوا الجنة والله كان دافع ان احنا نعيش حياتنا عشان الدين امال لو كان بعد ده كمان جهنم يبقى كل ده دافع ان احنا
نسيب ينادونهم الم نكن معكم؟ الم نكن معكم؟ مش كنا معكم! مش كنا معكم التزمنا معكم. كلمة فيها زبزة وابتزاز. لان الم نكن معكم
في اللغة؟ يعني احنا كنا - [00:37:40](#)

معكم مشكلة؟ مش احنا كنا معكم؟ ببسألوهم الم نكن معكم؟ كلمة فيها مرارة الدنيا كلها. كلمة فيها ندم رهيب. كلمة هيقولها كل
منتكس ومنتكسة هان عليك هان عليك لما بتفتحي الدولاب الوقتي تشوفي النقاب بتاعك اللي كنت بتلبسيه - [00:38:00](#)

عليك هان عليك لما بتفتحي الوقتي. تشوف الغطرة. تشوف القميص اللي انت كنت بتمشي به وتصلي به الجمعة. هان عليك لما
بتشوف الكتب الدينية عليك. لما بتشوفي شروط ديني في المكتبة بتاعتك بيفكرك بايام زمان. فاكر زمان استسلمت للضغوط ليه؟
اديت ودنك لهم ليه - [00:38:18](#)

يعطي نفسك ليه؟ دمرتوا نفسكوا ليه؟ ينادونهم الم نكن معكم. قالوا قالوا اللي قالوا هنا بقى اللي هم اللي سبتم بقى اللي هم
السابتين. اللي هم اللي استمروا على الطريق اللي هم فضلوا يسعوا بلا انقطاع في الدنيا الى الله - [00:38:38](#)

يبقى الوقت حوار ما بين السابتين وما بين المنتكسين. ما بين واحد سابت وما بين واحد منتكس. قالوا بلى. ولكنكم فتنتم وتربصتم
مرتبة مغرتكم الاماني حتى جاء امر الله. وغركم بالله الغرور. انا متخيل والمؤمنين بيقولوا للمنافقين المنتكسين الكلام دوت كل واحد
منتكس - [00:38:53](#)

يفكر وقاعد يعيش وقاعد يفكر زكرياته مع كل كلمة. فتنتم انفسكم ابوة انا اللي ضيعت نفسي. انا اللي فتننت نفسي انا اللي رجعت
تاني لما بعثت لي رسالة باغنية على الموبايل رجعت سمعتها ووقعت نفسي تاني. انا اللي فتننت نفسي - [00:39:16](#)

انا اللي دخلت على مواقع المانية واشترت جرايد علمانية لغاية ما شككوني في ديني. انا اللي فتننت نفسي. انا اللي ادبت وذن الاهلي
تاني لما اعترضوا على النقاب بتاعي كده بدأ كلامهم ياسر في انا اللي فتننت نفسي. انا اللي رجعت نزلت للصحة السوء تاني. انا اللي
رجعت اتفرجت على قناة تانية. انا اللي فتننت نفسي - [00:39:33](#)

يا ريتني يا ريتني كنت وقفت مع نفسي. فتنتم انفسكم وتربصتم ايوا. عشت مزبذب ما رضيتش اخذ قرار. ما قدرتش افصل. حافظ
حياتي كلها بذبذب. كان لازم اخذ قرار ان ده طريقي وما خدتوش. كان لازم افصل لطريق ربنا وما فصلتش. كان لازم الزبزة دي تنتهي
وما انتهتشي - [00:39:53](#)

وتربصتم واربتتم اي وشكيت اتشكيت في الطريق شكيت في وعد الله ووعيده. شكيت شكيت في آيات القرآن والسنة. اللي بتقول
لي انا هأخذ ايه لو كسبت على الطريق ده؟ قلت طب وافرض تعبت في الطريق - [00:40:13](#)

وفي الاخر وفي الاخر طلع ان التعب ده اهو كله ما كانش له لازمة. افرض تعبت وفي الاخر حرمت نفسي من المتعة على الفاضي
وتربصتم واغتبتم. يا ريتني امننت بكل اية ربنا قالها في القرآن. يا ريتني صدقت كل حديث من احاديث الدار الآخرة في السنة. يا

ريتنى صدقت وعد - 00:40:29

له وعيد انا ارتبت فعلا. انا فعلا شكيت في الطريق يا ندمي. وغردكم الاماني حتى جاء امر الله. الاماني غرتني كان نفسي امسك العصاية من النص ان انا بقى اللي هبقى ماسكها من النص. حسبت ان انا بقى اللي لا هبقى المنقبة ولا هبقى المتبرجة. انا بقى اللي هلبس طرحة وانزل اسرة واحط مكياج. حسبت ان انا - 00:40:47

ماسكة من النص حسبت ان انا حسبت ان انا يومين وهتوب وهرجع. ولو ما توبتش ان الله غفور رحيم. غرتني الاماني. غرتني الاماني الزائفة غرتني الاحلام الباطلة وغرتكم الاماني حتى جاء امر الله - 00:41:09

وغركم بالله الغرور يا ندمي يا ندمي كان الشيطان يجي لي الغرور اللي هو الشيطان كان يجي لي قبل المعصية يوسع لي باب رحمة ربنا ويصغر لي الزنب اتغر وانطلق وبعد المعصية يجي لي يضيق لي باب رحمة ربنا ويكبر لي الزنب عشان اقنط ويأس - 00:41:25
ضياعي اما اسديت له ودني ضياعي لما مشيت في طريق ابليس واتبعته دمرني. ياه فالיום لا يؤخذ منكم فدية ولا من الذين كفروا. الا هم مش دول اللي كفروا! لا لا لا! ده دول يا جماعة اللي كانوا ماشيين على الطريق وضاعم وسابوا. فالיום لا يؤخذ منكم فدية. طب يا رب - 00:41:47

انت بتقول لهم لا يؤخذ منكم فدية! يا رب دول حفاة عراة! دول ما يملكوش شيه اصلا! دول ما عهمش شيه اصلا! هو فدية ايه هم يملكوا شيه! اه. يا جماعة - 00:42:07

فيه ناس هتفضل لسه مش قادرة تستوعب الموقف اللي هو فيه. لسة معتقد ان دفتر الشيكات في جيبه يطلعه ويكتب سروته كلها وينجو. هياخده وقت عما يفهمه ايه الانقلاب اللي حصل؟ عمال يفهموا التطور اللي حصل. عما يفهموا التغيير اللي حصل هياخدوا وقت طويل. فالיום لا يؤخذ منكم فدية برضو ليه؟ - 00:42:17

تاني رهيب رهيب معنى ان حتى لو معكم فلوس الدنيا كلها ما عايش ينفع. ليه؟ عشان تتعلموا ان الحق ما لوش تمن ان الطاعة ما لهاش تمن. ان قيام الليل ما لوش تمن. عشان تتعلمه عشان تعرفوا حديس رسول الله صلى الله عليه وسلم. على الزمن اللي احنا فيه. يصبح - 00:42:37

المرء مؤمنا ويمسي كافرا ويمسي مؤمنا ويصبح كافرا. ليه؟ يبيع دينه بعرض من الدنيا. يبيع دينه. لو كنت عرفت قيمة دينك ما كنتيش بيعته. لو كنت عرفت قيمة نقابك ما كنتيش خلعتيه. لو كنت عرفت قيمة لحيتك ما كنتيش حلقته. لو كنت عرفت قيمة الدعوة الى الله ما كنتيش سبتها - 00:42:59

لو كنت عرفت قيمة طلب العلم ما كنتيش اتنازلت عنه. لو كنت عرفت قيمة الذكر ما كنتيش فطرت عنه يبيع دينه. يا جماعة ده في في الدنيا كلها يبقى راجل فقير وغلبان جدا. ومش لاقى ياكل ومطحون وعنده حنة ارض صغيرة. يقولوا له بعها وعيش باشا. يقول لهم لا. ما باعهاش ابدًا ليه؟ دا دي - 00:43:19

ده دي اللي بكرة لما هتغلى هتعيشني باشا. اهو كده. فيه ناس عرفت قيمة الدنيا ما باعتهاش وباعت دينها. لو كنتم عرفتكم قيمة دينكم ما كنتوش لو كنتم عرفتكم قيمة دينكم ما كنتوش اتخليتوا عنه - 00:43:40

فالיום لا يؤخذ منكم فدية. خلاص ما عايش ينفع ما فيش حاجة تساوي الحق. خلاص كانت الحق ده تمنه الوحيد انك تطبقه وتمشي وراه. النهاردة لو الدنيا كلها معك مش هينفع. فالיום لا يؤخذ منكم فدية - 00:43:55

ولا من الذين كفروا مأواكم النار. مأواكم مأوى تخيل انسان هياوي لجهنم والعياذ بالله هي مولاكم. تخيلوا مولاكم! تخيلوا لو واحد ولا شارون والعياذ بالله. شارون تخيل لو واحد قوي جدا ويكرهك جدا وبقيت في ايديه. وهو مولاك وهو اللي متحكم فيك. تخيلوا -

00:44:13

يا مولاكم هي اللي هتأكلكم من اكلها. هي اللي هتشربكم من صديدها. هي اللي هتغطيكم من اغطيتها. هي اللي هتفرش لكم تحتكم من فراشها هي اللي هتشربكم من شرابها. هي اللي هتعيشوا جوة مساكنها. هي ده هي. خلاص هي مولاكم. الجنة الدار يا جماعة فيها كل حاجة - 00:44:33

فيها حلي للنساء. والعياز بالله فيه ناس وامراته حمالة الحطب في جيدها حبل من مسد. يعني في الرقبة دي كأنها سلسلة والعياز بالله بتتعلق منها النار فيها كل الهدوم. حتى الجزم فيه ناس بتلبس نعال من نار. تغلي منها دماغتها والعياز بالله. الجنة فيها احزية على المقاس. قطعت له - [00:44:53](#)

ثياب من نار فيها هدوم على المقاس فيها كل انحاء القنصوات حتى اغطية الراس في جهنم. والعياز بالله هي مولاكم. هتلبسوا من لبسها. وتتغطوا بغطاها وتاكلوا من اكلها وتشربوا من شربها وتعيشوا فيها والعياز بالله. هي مولاكم وبئس المصير - [00:45:13](#) وينتهي المشهد الاخير للآيات ينتهي المشهد المروع لهذه الآيات. احنا دلوقتي خلاص يا اخواني. احنا الوقتي تقريبا في نهاية المشهد. احنا دلوقتي تقريبا خلاص في نهاية الحلقة بتاعتنا - [00:45:34](#)

احنا دلوقتي في النهاية والصور تضرب والمؤمنين خلاص بدأ الموكب الرهيب يعدي من على الصراط. بالانوار الرهيبة بالانوار اللي بتسعى الانوار اللي بتتألاً. بالانوار الملازمة لهم. المؤمنين بيعدوا العبور الرهيب من على الصراط. والمنافقين الوقتي خلاص. شوية وهيتفتح لهم - [00:45:47](#)

الباب وهيعدوا هم كمان. وهيتساقطوا واحد وراه واحد في جهنم يا جماعة. خلاص المشهد بينتهي. والمشهد بينتهي قدام عينا. والارض المحشر خلاص بتفضى. بتفضى وبيتوزع كل اللي فيها على درجات الجنة. وعلى طبقات النار. يا جماعة عايزين نفهم - [00:46:07](#)

عايزين نعيش عايزين نحس يعني ايه لقاء الله؟ يعني ايه لقاء الله؟ ده انا لو مش بقول لك لقاء الله، ده انا لو باقول لك لقاء مدير شركة هتروح رحت هتروح تعمل معه انترفيو لقاء معه. بناء عليه يعينك ولا لأ؟ بناء عليه يوظفك ولا لأ؟ بناء عليه تاخذ مركز او قليل او - [00:46:25](#)

ومركز كبير بناء عليه يطردك ولا يخليك انترفيو مع رئيس شركة. شف بتحصل شهادات قد ايه. وبتحصل مهارات قد ايه وبتتعب قد ايه بتلبس ايه وبتتكلم ازاي وبتستعد ازاي عشان انترفيو مع رئيس شركة عشان لقاء رئيس الشركة. امال لقاء الله لما هتدخل - [00:46:45](#)

قل تعرض على الله لقاء الله اللي بناء عليه هتدخل الجنة هي ترمى في النار. ولو هتدخل الجنة هتدخل في انهي درجة من درجاتها لقاء الله ده رهيب ده اللحزة الفاصلة اللي بناء عليها هيتوزع الناس وارض المحشر تفضى وكل واحد يروح مكانه. اللي ربنا شاقه له سبحانه وتعالى. لقاء الله - [00:47:05](#)

ساعتها هيتعرض عليه قلبك. هيتعرض عليه صحيفتك. ساعتها يا جماعة اعدوا لكل سؤال جواب. اعدوا لكل نعمة شكر. اعدوا لكل ذنب توبة يا جماعة يا اخوانا والمنظر بيتفرق وارض المحشر بتفضى وارض المحشر بتفضى خالص - [00:47:25](#) خلاص يدخل النداء الرهيب. الم يأن للذين امنوا ان تخشع قلوبهم. ياه الم يأن لسة ما قالش الوقت الم يأنى ايه التواني اللي انتم فيه ده! ايه البطء اللي انتم فيه ده! ربنا استبطأنا! ربنا بيقول لك انت بطيئة ليه - [00:47:43](#)

قرارات القرارات البطيئة ليه؟ سيرك لله بطيء ليه؟ ده ربنا بيقول يسعى نورهم. لازم تسعي بالنهارده عشان نورك يسعى قراراتكم بطيئة ليه؟ سعيكم لربنا بطيء ليه؟ انطلقكم الى الله بطيء ليه؟ ربنا استبطأنا الم يأن للذين - [00:48:07](#) امنوا ان تخشع قلوبهم. الاية دي كانت سبب في توبة اعلام الاسلام. عبدالله ابن المبارك ده من امير المؤمنين في الحديس قفلت من فلتات التاريخ الاسلامي يعني يعني جهيز من جهابة التاريخ الاسلامي - [00:48:27](#)

عبدالله ابن المبارك يا جماعة كان في حفلة طرب ومعارف وغناء. وسمع هذه الاية فتأب الى الله. الفضيل ابن عياض كان سارق وكان بينط من على الصورة عشان يسرق سمع واحد بيقوم الليل. بهذه الاية تأب الى الله. يا اخوانا الم يأن الم يأن يعني انتم بطأة ليه؟ عامة بتنفذوا - [00:48:42](#)

اوامر ربنا بطاء. اما بتقبلوا على ربنا بطاء. عم قلوبكم بتلين بطاء. ماشيين ببطء ليه؟ ماشية ببطء لسان رعي انطلقوا الى الله يا اخواني. عايزين ننطلق الى الله. عايزين ندوس في الطريق لربنا سبحانه وتعالى. احنا الليلة كنا مع مشهد من مشاهد القيامة في -

مشاهد القناة في القرآن من المشاهد المهيولة. من المشاهد الرهيبة. مشاهد القيامة في القرآن كأنك انت انت دلوقتي بتتفرج علي في كاميرا. لا لا لا لا. مشاهد القيامة في القرآن كأنك بالزبط جوة الاحداس. ربنا سبحانه وتعالى اول ما المشهد بيبدأ كأن الستارة اترفعت وكأنك شايف - 00:49:22

قدامك وكأنك شايف الحركة وكل ساكنة من اللي بيحصل. عايزين نقرا كتاب ربنا يا جماعة. عايزين نعيش مع كلام ربنا. تخيلي تخيل لو انت من الانفاق زي الانفاق بتاعة السعودية مسلا بتاعة الحج. انت في نفق جوة جبل - 00:49:42 والنفق له ناحية دخلت منها او له ناحية ماشي فيها عشان تخرج من الناحية الثانية. تخيل لقيت حريقة وقامت. وانت جوة النفق بتبص وراك لقيت النار ماسكة. بتبص قدامك لقيت النار ماسكة - 00:49:58

وانت ما بين النار خلاص النفق محاطك والنار محوطاك. وخلاص هلاك. لقيت فجأة مدخل مفتوح قدامك ومكتوب عليه مخرج او من هذا النفق ساعتها المخرج ده يبقى قيمته ايه؟ ساعتها المنفذ ده يبقى قيمته عندك ايه؟ اهو المخرج ده هو القرآن. اهو لما احاطت بنا ذنوبنا يا جماعة. لما الذنوب - 00:50:08

حاطط بنا من كل ناحية كان المخرج هو القرآن يا جماعة عايزين ننجو عايزين ننجو عايزين نقرا القرآن انا عايزك الليلة تعيشي مع هذه الايات يوم ترى عيشي بقى ايه اليوم اللي انت مستنيه؟ ايه اليوم اللي انت مستنيه؟ المصيف ولا الجواز ولا الشهادة ولا التخرج ولا العلاوة ولا - 00:50:30

تولى الجنة يوم ترى اليوم اللي هنشوف فيه الجنة. اليوم اللي هنشوف فيه منابر النور. اليوم اللي اليوم اللي كل الناس لو على دين هتشوفنا فيه. اليوم اللي اهل الحق هيتشافوا فيه. اليوم اللي المفرطين هيندموا فيه لما يشوفوكي. اليوم اللي كل متبرجة هتندم لما تشوف - 00:50:50

محجبة اليوم اللي كله منتكس هيندم لما يشوف كل ملتزم سهبت. يوم ترى المؤمنين والمؤمنات موكب نوران مهول. كل واحد نوره متضاف النور الثاني يسعى نورهم والنور ببسعى وبيلازمهم بين ايديهم وبايمانهم. تخيلوا الموكب ده. بشراكم اليوم جنات - 00:51:10

لما حببت الاقي شعار للسورة النهاردة للايات النهاردة. بشراكم اليوم جنات. اليوم انتم تعبتم امبارح والنهارده هتستريحوا. انتم حزنتم امبارح والنهارده تفرحوا. انتم ضحيتوا امبارح والنهارده هتاخذوا. انتم اتحاربتم امبارح والنهارده هتنتصروا. انتم اتظلمتم امبارح والنهارده هتاخذوا حقكم. انتم سخر منكم امبارح - 00:51:30

والنهارده هيرد لك واعتبركم. بشراكم اليوم تباشير الصباح. يعني اول النهار ده لسه الشمس هتطلع. بشراكم كل الاكرام دا لسه البداية. انتم لسه ما شفتوش تكريم. انتم لسه ما شفتوش نور. انتم لسه ما شفتوش عطور. انتم لسه ما شفتوش رفعة. انتم لسه ما - 00:51:51

الي في الجنة مستنيكم. وكل جنة غير الجنة الثانية. وكل مقام في الجنة غير المقام الثاني. وكل درجة غير الدرجة الثانية. وكل نعيم غير النعيم الثاني. بشراكم اليوم جنات جنات تجري من تحتها الانهار - 00:52:11

خالدين فيها. ذلك هو الفوز العظيم. هو ده الفوز. امال اللي كانوا في الدنيا يقولوا ورا شهواتها. الواحد طول ما هو جاي من الطريق من المنصورة للقاهرة شايفين الابراج وشايفين العربيات وشايفين الشهوات وشايفين الاغاني اللي مشغلة العربيات اللي مشغلة المعازف وشايفين - 00:52:30

كل واحد دا متهيأ له ان الفلوس في الفلوس فييجري عليها. ودا بيتهيأ له ان الفوز في بنت فييجري عليها. ودا بيتهيأ له ان الفوز في برج يتكتب عليه اسمه فييجري عليه - 00:52:50

وده بيتهيأ له ان الفوز في كرسي فييجري عليه. وده بيتهيأ له ان الفوز في النفاق فيينافق. وده متهيأ له ان الفوز في الشهرة فييجري عليها. انما يا جماعة ربنا قال ذلك هو هو ده الفوز. وغير كده كله خسران - 00:53:00

وغير كده كله ندمان. وغير كده كله هيندم. ندم رهيب يا جماعة. اخواني في الله مش عايزين نندم عايزك تسبتي وعايزك تسبت وعاييزين نسبت اللي معنا وعايزين نفضل صحبة عشان ننور لبعض يوم القيامة. وعاييزين نبقي دي رسالة لكل واحد سببها -

00:53:16

هتندم هتعض على ايدك الدرس ده الدرس ده بنهديه لكل واحد انتكس لكل واحد كان معنا في يوم من الايام وما عدناش شايفينه معنا. لكل واحدة كانت على الطريق وما عدناش شايفينها على الطريق. الدرس ده لكل واحد باعه واتخلى. لكل واحد بيهرب -

00:53:33

في الوقت من الالتزام ومن الدين هيبجي يوم هتعض على ايدك هيبجي يوم هتقول انفرونا. هتيجي يوم هتتمنى قبس من النور.

هيبجي يوم هتقول الم نكن معكم؟ هيبجي يوم هيتقال لك اليوم لا يؤخذ منكم - 00:53:50

فدية هيبجي يوم هيتقال لك على النار هي مولاكم. هيبجي يوم هتندم ويا بطيء. يا اللي ماشي لربنا بطيء. الم يأنى؟ ما جاش الوقت

بقي انك تقومي. ما جاش الوقت انك تتغير. يا جماعة لسة على رمضان خمسة وسبعين يوم - 00:54:04

خمسة وسبعين يوم بالزبط. النهاردة خمستاشر في الشهر العربي مين اللي صام تلتاشر واربعتاشر وخمستاشر المرة اللي فاتت قلنا تلتاشر واربعتاشر وخمستاشر وقلنا الصيام لا عدل له. طب مين اللي هيصوم اتنين وخميس بقى ان شاء الله؟ مين اللي هيصوم اتنين

وخميس ويصبر لله - 00:54:20

ولما ييجي الساعة خمسة ستة العصر هيموت من العطش. وحلقه هيتمزق يقول خلاص معلش هيبجي اليوم اللي هيتقال لي فيه هذا

يومكم. مش ده يومي. انا عايز تشرب ليه مش ده يومي - 00:54:36

انت عايزة تكبري ليه؟ مش ده يومك. انت عايز تسمع معازف ليه مش ده يومك. انت كل ده يا جماعة هتستمتعوا به في الجنة لما

ييجي يومكم ده مش يومنا يا جماعة يومنا لسة ما جاش - 00:54:48

احنا يا جماعة هنا في جهاد في تعب بنزرع. يوم الحصاد لسه ما جاش. يا جماعة مش ده يومنا. مش دي ايامنا. مش ده مقامنا. مش

دي دارنا. عاييزين نفهم بقى عاييزين نفهم يعني ايه هذا يومكم ويعني ايه يوم ترى نعيش مع الايات دي الليلة يا اخواني؟ يا اخواتي

نعيش مع الايات دي في سورة الحديد نعيش معها مع - 00:54:59

الاربع ايات دول نعيش ونرتل ونبكي ونصرخ ونستغيس ونتوسل يا اخواني التوصية الثانية التوصية الثانية انا عايز كل واحد منكم

قبل الفجر بنص ساعة. يعني من اجمل ما سمعت من اجمل ما سمعت. قبل الفجر بنص ساعة - 00:55:19

خلصت واترك قبل الفجر بنص ساعة او تلت ساعة تقوم قاعد الصلاة ورافع ايدك وتفضل تدعي بدعاء واحد وتتوسل لحد ما تبكي.

افضلي قولي يا حي يا قيوم برحمتك استغيث اصلح لي شأني - 00:55:36

كل ولا تكلني الى نفسي طرفة عين. افضل قل اللهم اهدي وسدني تفضلي قولي اللهم اصلح لي دنياي واخرتي. يا اخواني الروشة

دي والله نجاة في الدنيا وفي الآخرة. رفعة في الدنيا وفي الآخرة قبل الفجر بنص ساعة بس - 00:55:53

نص ساعة او تلت ساعة ارفع ايدك واقعد ابكي واقعد ادعي بدعوة واحدة وركز عليها او دعوتين. وركز واتعب وشوف السمرة ايه.

مش عاييزين نغبن يا جماعة في الصفقة ديت. بازن الله سبحانه وتعالى. عاييزين الحد الادنى - 00:56:08

من الطاعة اتنين وخميس الحد الادنى. الحد الادنى يعني نقعد جلسة ضحى ما قدرتيش يبقى قيام ليل. ما قدرتوش يبقى صيام يا

جماعة نصوم ونسرد ونشوف طاعة ربنا وندوق اللذة يا جماعة. خمسة وسبعين يوم على رمضان. خمسة وسبعين يوم هنعمل ايه؟

هنقرأ القرآن قد ايه؟ يلا يا اخواني نبدأ. نبدأ باذن الله - 00:56:21

هنبدأ في ختمة قبل رمضان. نبدأ في التهجد بهزه الايات. نبدأ ونقوم والقافلة دي تنطلق الى الله. عشان نوصل لربنا سبحانه وتعالى.

رب يقول لنا بشراكم اليوم جنات ايه الكلمة اللي تعبنا عشانها - 00:56:40

الكلمة اللي استحملنا عشانها الكلمة اللي صبرنا عشانها الكلمة اللي اتأزينا عشانها. الكلمة اللي استحملنا عشانها بشراكم اليوم جنات

يتقال لنا باذن الله يوم القيامة. اللهم بشرنا بجنتك ورضوانك. اللهم ارزقنا الفردوس الاعلى. اللهم انا نسألك الفردوس الاعلى -

اللهم انا نسألك الفردوس الاعلى ونعوذ بك من النار. ومن عذاب النار ومن زقوم النار ومن صديد النار. ومن سلاسل النار اللهم استعملنا ولا تستبدلنا. اللهم اجعلنا من اهل القرآن. اللهم بلغنا رمضان. اللهم بلغنا رمضان. واجعله فتحا علينا - 00:57:15

على عبادك يا رب. تولى امرنا. يا رب انصر اخواننا في غزة. يا رب ايدهم يا رب انصرهم. يا رب ايدهم يا رب اجعل نصرهم اية. اللهم استعملنا ولا تستبدلنا. اللهم اهدنا ويسر الهدى الينا برحمتك يا ارحم الراحمين - 00:57:35

اقول قولي هذا واستغفر الله لي ولكم سبْحانك اللهم وبحمدك اشهد ان لا اله الا انت استغفرك واتوب اليك. جزاكم الله خيرا -